

Date : 02 September 2018
Title : Kaedah Lebih Seronok
Publication : Metro Ahad
Page : 56 vroom

56 | VROOM

METRO AHAD
2 SEPTEMBER 2018

KAEDAH LEBIH SERONOK

Petron sasar 5,000 penuntut tujuh universiti tempatan sertai program keselamatan jalan raya



PESERTA menunjukkan isyarat bagus selepas lulus ujian jalan raya.



PENUNTUT meniti jambatan menggunakan motosikal ketika Program Keselamatan Jalan Raya anjuran Petron.



PESERTA 'ditegur' oleh penguatkuasa JPJ kerana melakukan kesalahan.

Mohd Razlan Salleh
mirazlan@nstp.com.my

Petron Malaysia Refining and Marketing Bhd (Petron), antara peneraju syarikat minyak tempatan melancarkan program keselamatan jalan raya untuk penuntut di tujuh universiti seluruh negara. Program keselarasan hasil kerjasama dengan Jabatan Keselamatan Jalan Raya Malaysia (JKJR) itu menyasarkan 5,000 penuntut menyertai program berkenaan.

Antara universiti terpilih ialah UTMSPACE, Universiti Malaysia Pahang (UMP), Universiti Sultan Zainal Abidin (UniZA), Terengganu, Universiti Selangor (UNISEL), Universiti Tun Hussein Onn (UTHO), Universiti Tenaga Nasional (UNITEN) dan Universiti Teknologi Malaysia (UTM) Skudai.

Ketua Keselamatan Korporat, Sekuriti, Kesihatan dan Alam Sekitar Petron, Lokman Hani berkata, pihaknya akan berkunjung ke tujuh universiti berkenaan bermula bulan ini sehingga Disember.

"Program keselamatan jalan raya Petron adalah acara terbesar dan

terpanjang memabitkan pelbagai universiti.

"Objektif kami adalah mendedahkan pelajar kepada kepentingan keselamatan jalan raya," katanya pada Majlis Perasmian Program Keselamatan Jalan Raya di Residensi UTM Kuala Lumpur, baru-baru ini. Hadir sama Timbalan Ketua Pengarah JKJR, Datuk Roslan Eusoff dan Ketua Pegawai Eksekutif UTMSPACE, Prof Ir Dr Mohd Azraai Kassim.

Tahun lalu, program sama dianjurkan Petron di tujuh universiti seluruh negara berjaya menarik penyertaan 4,665 pelajar.

Bagaimanapun, tahun ini, program itu menggunakan pendekatan lebih menyeronokkan, menarik dan interaktif apabila pelajar universiti bersaing dalam satu kumpulan

berkonsepkan 'Amazing Race' untuk menyelesaikan kuiz keselamatan jalan raya dan beberapa elemen berkaitan keselamatan.

Menurut Lokman, program keselamatan jalan raya Petron selaras dengan objektif United Nations Decade of Action for Road Safety 2011-2020.

"Ia adalah advokasi global yang menggalakkan pemanduan selamat mematuhi peraturan undang-undang lalu lintas.

"Program keselamatan jalan raya Petron yang diperkenalkan sejak 2014 ini berjaya mendidik lebih 8,000 pelajar sekolah dan penuntut universiti," katanya.

Selain JKJR, antara rakan kongsi program keselamatan jalan raya Petron ialah Jabatan Pengangkutan Jalan (JPJ), Honda Malaysia, Michelin dan Nestle.



ANTARA penuntut universiti yang menyertai Program Keselamatan Jalan Raya anjuran Petron.

LEBIH JIMAT, KUALITI TINGGI

Permintaan yang tinggi terhadap bahan api diesel di Sabah, Petronas Dagangan Berhad (PDB) memperluaskan pasaran Dynamic Diesel Euro 5 dengan Pro-Drive yang lebih jimat, berkualiti tinggi dan bersih ke negeri berkenaan.

Ketua Divisyen Perniagaan Runcit PDB, Aadrin Azly berkata, pihaknya sentiasa memperbaiki mutu produk bagi memastikan setiap pelanggan menerima bahan api terbaik.

"Sejak Dynamic Diesel Euro 5 dengan Pro-Drive dilancarkan di Semenanjung dan Sarawak, kami menerima banyak

maklum balas positif dan secara langsung turut meningkatkan jualan bahan api diesel dengan ketara. "Terbaru, seluruh pengguna diesel di Sabah

kini dapat rasai sendiri kualiti diesel bertaraf dunia yang lebih berkuasa dan bersih," katanya.

Terdahulu, berdasarkan ujian makmal dilakukan,



BERETAN pasukan empat roda yang menggunakan Petronas Dynamic Diesel Euro 5 dengan Pro-Drive.

Petronas Dynamic Diesel Euro 5 dengan Pro-Drive mampu menghilangkan deposit dan melindungi penyuntik bahan api, sekaligus membersihkan enjin dengan lebih berkesan serta memastikan kecekapan enjin optimum.

Berbanding bahan api diesel lain di pasaran, keputusan ujian menunjukkan Petronas Dynamic Diesel Euro 5 dengan Pro-Drive mencatatkan angka Cetane lebih tinggi yang membantu

meningkatkan pembakaran untuk pemanduan lancar dan pelepasan asap lebih bersih.

Bahan api ini juga mempunyai nilai pemanasan lebih tinggi, membuktikan tahap ekonomi bahan api lebih baik.



PESERTA yang menyertai aktiviti sempena pelancaran Petronas Dynamic Diesel Euro 5 dengan Pro-Drive di Sabah.